

## Innsung a Pa poimohna leh Mohpuakna

by Jamson Guite

**P**a kichi innsung a poimoh lotel ahihman in tuni in a poimoh zah in i genzoukei diing. Tuni a I gen diing tuh pa poimohna leh mohpuakna tampite lak a khenkhat lel ahi chih theimasa ni. Pa dinmun poimoh lotel hinapi in Pa dinmun leh mohpuakna zou tulai khovel ah tawm mahmahta hi a theih in om hi. A diak in US khong ah hiai toh kisai survey a bawlna uah Pa dinmun leh mohpuakna ngaihsaklou tam mahmah hi in a taklang uhi. “**Amah zaw Pa hoih ahi**” chih sang in tuni in I tenna khovel ah Pa hoih bang chi bangte ahia chih gen a, Bible pansan a taklat a ngaita. Hiai tuh Pathian in ana deihdan leh geldan ahikei. Pa toh kisai a Pathian geldan bel mi tengteng (naupang tengteng) pa hoiktak toh khankhiak diing huchi a Amah (Pathian) deihhuaina leh hoihna Pa tungtawn a alat diing chih ahi. Hiai omdan tak bel- Naupang teng in Ka pa toh Pathian kibang ahi Pathian a hoihzawkna tuh amah perfect achih theih diing uh ahi. Innsung a pate tungtawn a naupangte'n Pathian hihna a zilkhiak uh tuh Pathian deihdan ana hi hi.

**Pa poimohna** - Pa kichi omlou in zi kichi a omtheikei. Huchimah bang a pa omlou a tate omtheilou. Huan, pa kichi om masalou a innkuau kichi omtheilou ahi (cf. Gen 1&2). Innsung long dan in genteh lehang – Pa tuh long hawlou ahi. A hawldik ngeingei leh a gahkhumtak (innkuau kepbitna gah I gente uh) lou diing. Noah-te innkuau bang a innkuau a hotdam a om diing. A hawkhelh ngeingei lebel tui- li lai a tumvek diing. Akante innkuau bang a innkuau a manthahloh vek diing (cf. Joshua 7). Huaiziak in Innsung ah pa poimohna lian in a mohpuakna sang mahmah hi.

### Pa Mohpuakna

Innsung a Pa mohpuakna khatvei thu a genseng mawk diing ahikei. Tampite lak a bangzah hiam ka hon telkhia a huaite I kikum khawm diing uh. P ngen nga zang in pa mohpuakna I taklang diing uh -

### 1. The Provider

“Himahleh kuapeuh in amah mite a diing a ngaihtuah sakkei a, amah inkuante kholhouh a ngaihtuah sakkei leh, ginna tuh a zuausan a, ginglou mi sang in a gilou zaw ahi” (I Timothy 5:8). Pathian in innkuau ana ngaipoimoh petmah a, huai a ngaihpoimoh inkuante poimohte ngaihtuah diing in innsung a papen mohpuakna ana pia hi. Innsung kizentak a ngaihtuahna tuh Pathian pahtak lamtak ahi (cf. I Timothy 5:4b).

Innsung a poimoh- nek-le-tak, silh-le-ten, salam a poimoh thilte tuh pa'n a ngaihtuah diing ahi. Hiaite tuh a loutheilou, sepsuah ngeingei diing mohpuakna ahi. Himahleh Pathian deihdan tuh hiaitan lel ahikei. Innsung a zi leh tate physical needs banah emotional needs leng a suktuah ngeingei diing ahi. Huan Pathian ngaih a poimohpenpen, mihingte ngaih a bel a poimohloopen leh nelsiahpen, khalam taksap tuh pa'n a suktuah ngeingei diing ahi.

Huaiziak in innsung a pa tuh innsung (zi leh tate) salam leh khalam a vaktu, ann petu ahih diing ahi. Pa'n innsung mite poimohte (salam leh khalam) a suktuahlouh chiang in innsung ah – Itna, kipahna, muanna leh lungkimna-te omlou hi. Innsung a hiaite a omlouh chiang in mihingte hiaite lou a omtheilou ihihman in zi leh tate'n mundang ah itna, kipahna, muanna leh lungkimnate zong ua, innkuau tuh aisanou tunkhelh a bang hi. Tate bang in innsung a angahlouh nopsakna leh kipahna bang mundang leh thildang bangbang hiam a ahong zon lebel a buaihuailam hita diing hi. Pa tampite'n innsung a amohpuakna ngainep in innsung a amohpuakna zoulopi in polam thilte, midangte leh khotang bang ngaipoimoh zaw uhi. Huchibang pate innsung tuh a lohching ngeikei diing. Mahni insung etkol masak a, innkuau in a poimohte ngaihtuah zagh chiang a polam thilte awlmoh pat diing ahi.

**CONTACT ADDRESS**

CHURCH OF CHRIST, DELHI  
RZ- 2008/25, HOUSE NO. 13 S.F.  
TUHLAKABAD EXTENSION, NEW DELHI-110019  
PHONE NO. 9953968807  
EMAIL: khrissuangphum@gmail.com

**'KHIRS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

**Website: cocdelhi.org**

Enkaitu: Jamson Guite | Panpihtu Jangthang | Khamminthang

**BIBLE CLASS**

Class	Teacher
Adult	: L. James Guite
Inter	: Jamson
Primary	: Suanching

**TOUPANI' THILPIAK**  
[06/07/2014]  
RS 16,990

**Tuni Biakna Hunzeek**  
[13/07/2014]

Thumna hun-uk : Timothy  
Lapitu : Thongsiandong  
Thilpiak : Pauminlun  
Theihgigena : James  
Thuhilhtu : Thangbiakmang  
Thumna : Thongginlian

**Kiginni Biakna Hunzeek**  
[19/07/2014]

Thumna hun-uk : Thongsiandong  
Lapitu : Jangthang  
Thuhilhtu : Thangdoulian  
Thumna : Thangbiaklun  
Amun: Unp. Jamson inn

✉ 9953968807

**Kalnawn Biakna Hunzeek**  
[20/07/2014]

Thumna hun-uk : Thanglianmang  
Lapitu : Kamkhenthang  
Thilpiak : Jamson  
Theihgigena : Pauminthang  
Thuhilhtu : Jangthang  
Thumna : Khamminthang

**SUUNPIH HANG**

Hun sawtkuamtak haksat-ak a damlouhna hinkhua ana zat nung in kal paita nilaini zingkal baihtak in New Lamka a om unaunu Nianngaihvung w/o unaupa Khamzakhen in a leitung hinkhua nusia in a taangtawn mun diing honna zotsanta hi. Unaun ginom a si hi a itheih man un hampha isa uhi. Unaunu'n honna omlouhsanna tung ah a nutsiat a innkuante i suun pih thu uh i taklang uhi. I thumna uah i phawk chiat diing uh.

**THOUGHT OF THE WEEK**

*Thilteng ah hih hun dik leh hihdan dik a-om chiat a, en bel tawmchik kia i thei hi (Eklijasti 8:6).*

**Thu Tuamtuam**

**Thu Tuamtuam**

**ZINKHIA**

→ Kal paita sepnawnni in unaunu Niangthianmuang in exam azoh toh kiton in Delhi nusia in Lamka lam zuan in honna zinkhiaksan hi. Huailam a hun bangtan hiam va omzek diing hi in thutut kingah hi. Bang hun a hong kiknawn diing hiam chihbel theih hilou hi.

**HONGZIN**

→ Kal masa in unaupa Khamthianmung-te nupa hih diing poimoh khenkhat a neih ziak un Dehradun akipan in hongzin uhi. Amau nili vel a om nung un a omna lam uh zuan in honna kiksan nawnta uhi.

→ Sepna ziak a tulel a Hydredab a om unaupa Tawsianpau kal paita sintawpni zan in Delhi hong zin hi. Exam diing poimoh aneih ziak a hong zin hi in kigen a, tukal sung mah in honna kiksan nawnpah diing hi in leng kigen hi.

**ANEILOUTE'N**

→ June kha leh July biakna hunzeek khabul a kihawm a neikhallow omzek hi a theih ahihman in a la khaloute a diing in copy bangzah hiam ki sunkhe thak hi. Biakkhawmna kongkhak bul a kikoih diing a aneikhaloute'n i la chiat diing uh. A neisa te'n bel lakthak a ngai nawnkei diing. Hoihtak in kem chiat ni.

**POOL KIKHENNA OM**

→ Kal paita Toupani biakna zoh in Summer Bible Quiz 2014 a tel diing a min pete pool khenna om hi. Hiai hun ah a tel diing te'n amau pool diing chiat kidok uhi. Tutung in team 14 Summer Bible Quiz 2014 Championship kituh diing uhi. Hiai team 14-te pool 4 in kikhen hi. Kidem diing te muanhua thei mahmah ua, kidemna pen hong nuam mahmah diing hi. Ngaklah huai mahmahta.

**KISAKKHOLHNA NASA****MAHMAHTA**

→ A hongtung diing July 29, 2014 (sepnawnni) a Bible quiz a diing in kisakkholhna nasaktak in pailel hi. A sim lamte'n leng nak sim mahmahta uh hi a theih in om hi. Khenkhat ngial in note a bawl in note book dim phial in gelh-khe nennon mai uhi. Huan, a sait diingte'n leng nakpitak in dotna bawl buatsaihta ua, hiai quiz neihni a thil poimoh tuamtuam diing leng nasaktak in gel panta uhi.

**AKIMAN OMLEH**

→ Bible quiz neih ni a annkuang thupitak mai leng lui kisawm ahihman in hiai nek le tak sai diing quiz a tellou tuailai-te lak a kiman omleh kipahuai mahmah diing hi. I om zenzen leh a saite zasakpah ni.